



ს ა ქ ა რ თ ვ ე ლ ო
 მესტიის მუნიციპალიტეტის საკრებულოს
 განკარგულება
 G E O R G I A



THE ORDER OF THE ASSEMBLY OF MESTIA MUNICIPALITY



განკარგულება:გ-135.135230274

თარიღი:27/01/2023

ა(ა)იპ „ერთად რეალური ცვლილებებისათვის“ ადმინისტრირების ქვეშ არსებული კახა ფალიანის სახელობის სარეაბილიტაციო ცენტრის 2023 წლის თანადაფინანსების პროგრამა (პ/კ 06.05) დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსის“ შესაბამისად

მესტიის მუნიციპალიტეტის საკრებულომ მიიღო განკარგულება

1. დამტკიცდეს ა(ა)იპ „ერთად რეალური ცვლილებებისათვის“ ადმინისტრირების ქვეშ არსებული კახა ფალიანის სახელობის სარეაბილიტაციო ცენტრის 2023 წლის თანადაფინანსების პროგრამა (პ/კ06.05) დანართი №1-ის შესაბამისად. **(დანართი: 3. ფრ);**
2. აღნიშნული პროგრამის შესახებ ეცნობოს მესტიის მუნიციპალიტეტის მერიას.
3. განკარგულება ამოქმედდეს „საქართველოს ზოგადი ადმინისტრაციული კოდექსის“ 54-ე მუხლის პირველი ნაწილის შესაბამისად გაცნობისთანავე;
4. განკარგულება შეიძლება გასაჩივრდეს საქართველოს კანონმდებლობის შესაბამისად, ზუგდიდის რაიონულ სასამართლოში (მის: ქ. ზუგდიდი, გრ. ქობალაძის ქ. N-12).

მაიზერ ჯაფარიძე

მესტიის მუნიციპალიტეტის საკრებულოს თავმჯდომარე

გამოყენებულია კვალიფიცირი
 ელექტრონული ხელმოწერა/
 ელექტრონული შტამპი



ა(ა)იპ „ერთად რეალური ცვლილებებისათვის“ ადმინისტრირების ქვეშ არსებული კახა ფალიანის სახელობის სარეაბილიტაციო ცენტრის 2023 წლის თანადაფინანსების პროგრამა (პ/კ 06.05)

ზოგადი ნაწილი: ა(ა)იპ „ერთად რეალური ცვლილებებისათვის“ (ს/კ 401981931) ადმინისტრირების ქვეშ არსებული „კახა ფალიანის სახელობის სარეაბილიტაციო ცენტრი“ ემსახურება მესტიის მუნიციპალიტეტში მცხოვრებ ყველა შეზღუდული შესაძლებლობის მქონე ბავშვს/ზრდასრულს და მარტოხელა ხანდაზმულ პირებს. სარეაბილიტაციო ცენტრში ფუნქციონირებს დღის ცენტრის, აბილიტაცია/რეაბილიტაციის, შინმშვლისა და ადრეული განვითარების პროგრამები.

1. პროგრამების დეტალური აღწერა:

დღის ცენტრი - 6-დან 18 წლამდე ასაკის საშუალო და მსუბუქი ინტელექტუალური სფეროს დარღვევის, ასევე, ქცევითი დარღვევით გამოხატული შეზღუდული შესაძლებლობის სტატუსის მქონე ბენეფიციარებისთვის დღის ცენტრის მომსახურების შეთავაზება ხდება ყოველდღიურად (შაბათ-კვირისა და უქმე დღეების გარდა) 6 საათის განმავლობაში. აღსანიშნავია, რომ ბენეფიციარებისთვის ცენტრში გატარებული მინიმალური დრო არ უნდა იყოს 3 საათზე ნაკლები; სამიზნე ჯგუფის საჭიროებების (ფსიქიკური, შემეცნებითი, ემოციური, ფიზიკური) გამოვლენა და მათ დაკმაყოფილებაზე ზრუნვა ხდება ასაკობრივი და ინდივიდუალური თავისებურებების გათვალისწინებით, ასევე ხდება ბენეფიციართა საყოფაცხოვრებო და სახელობო-პროფესიული უნარ-ჩვევების განვითარებაზე ზრუნვა. სერვისის მიწოდების დროს უზრუნველყოფილია ერთჯერადი კვება, რომელიც არის სტანდარტის შესაბამისად სამი კომპონენტის შემცველი. ბავშვთა რეაბილიტაცია/აბილიტაციის სერვისის გულისხმობს სამიზნე ჯგუფის ბავშვთა სპეციფიკურ რეაბილიტაციას, აბილიტაციას, ფიზიკური ჯანმრთელობის გაუმჯობესებას, ადაპტაციური შესაძლებლობების გაძლიერებასა და სოციალური ინტეგრაციის ხელშეწყობას, საცხოვრებლის უზრუნველყოფით (სარეაბილიტაციო კურსის გავლის პერიოდში, 10 დღის მანძილზე). ზრდასრულების (18 წელს და ზემოთ მყოფი პირები) რეაბილიტაციის სერვისის გულისხმობს ფიზიოთერაპევტიკისა და ფსიქოლოგიის მომსახურების შეთავაზებას. არსებული სერვისი, ასევე მოიცავს საცხოვრებლით უზრუნველყოფას (სარეაბილიტაციო კურსის გავლის პერიოდში, 10 დღის მანძილზე). შინმშვლის სერვისის გულისხმობს პაციენტის ჯანმრთელობის მდგომარეობის მონიტორინგს, პაციენტის ჯანმრთელობის მდგომარეობის სტაბილიზაციის მიზნით, ასევე მისი ძირითადი მომვლელის/მზრუნველის საექთნო და პაციენტის მოვლისთვის აუცილებელი უნარჩვევების შეძენა-განვითარებაზე ზრუნვას, ამასთანავე პირველადი კვების პაკეტებითა და ჰიგიენური საშუალებებით უზრუნველყოფას (მოთხოვნიდან გამომდინარე ბენეფიციართა რაოდენობა გაიზარდა 35-მდე, შესაბამისად პროგრამას გამართული მუშაობისთვის ბიუჯეტში დაემატა 23000 (ოცდასამი ათასი) ლარი). ბავშვთა ადრეული განვითარების ხელშეწყობის სერვისის გულისხმობს შეზღუდული შესაძლებლობის, განვითარების დარღვევის ან ასეთი რისკის მქონე ბავშვების განვითარების სტიმულირებას, კოგნიტური, მოტორული, კომუნიკაციური და ემოციური განვითარების ხელშეწყობას, სკოლამდელ ან ზოგადსაგანმანათლებლო პროგრამებში ჩართვასა და სოციალური ინტეგრაციის ხელშეწყობას, ბავშვისა და ოჯახის გაძლიერებასა და მიტოვების პრევენციას. ასევე, მათი მშობლების განათლება და გაძლიერებას ბავშვის აღზრდაგანვითარების სფეროში.

2. პროგრამის მთლიანი ბიუჯეტი - 103 000 (ას სამი ათასი) ლარი.
3. პროგრამის დაფინანსების წყარო: მესტიის მუნიციპალიტეტის მერიის 2023 წლის ბიუჯეტი - 103 000 (ას სამი ათასი) ლარი.
4. პროგრამის განხორციელებაზე/შესრულებაზე პასუხისმგებელი ორგანო: ა(ა)იპ „ერთად რეალური ცვლილებებისათვის“, „კახა ფალიანის სახელობის სარეაბილიტაციო ცენტრი“.
5. პროგრამით გათვალისწინებული ძირითადი ღონისძიებები: პროგრამით გათვალისწინებულია შემდეგი მომსახურებების დაფინანსება:
 - ა) ბენეფიციარებისთვის დღის ცენტრის მომსახურების შეთავაზება ყოველდღიურად (შაბათ-კვირისა და უქმე დღეების გარდა) 6 საათის განმავლობაში;
 - ბ) ერთჯერადი კვება;
 - გ) სამიზნე ჯგუფის საჭიროებების (ფსიქიკური, შემეცნებითი, ემოციური, ფიზიკური) გამოვლენა და მათ დაკმაყოფილებაზე ზრუნვა ასაკობრივი და ინდივიდუალური თავისებურებების გათვალისწინებით;
 - დ) ბენეფიციართა საყოფაცხოვრებო და სახელობო-პროფესიული უნარ-ჩვევების განვითარებაზე ზრუნვა;
 - ე) ბენეფიციარების კულტურულ და სპორტულ-გამაჯანსაღებელ ღონისძიებებში ჩართვის უზრუნველყოფა, როგორც მომსახურების ფარგლებში, ასევე მის გარეთ;
 - ვ) ბენეფიციარების უნარ-ჩვევების შეძენა-განვითარებაზე ზრუნვა;
 - ზ) დროის სწორი ორგანიზების, ეფექტიანი კომუნიკაციის, არჩევანის გაკეთების, გადაწყვეტილების მიღების პროცესში მონაწილეობისა და კონფლიქტების არაძალადობრივი გზით მოგვარების სწავლება;
 - თ) პირველადი გადაუდებელი სამედიცინო დახმარების შეთავაზება საჭიროებისამებრ;
 - ი) ფსიქოლოგიური მომსახურების ორგანიზება;
 - კ) ბენეფიციართა ფუნქციურ-აკადემიური უნარების განვითარება;
 - ლ) პროფესიული უნარ-ჩვევების გამოვლენა;
 - მ) ინკლუზიური პროფესიული განათლების მხარდამჭერი აქტივობების დაგეგმვა-განხორციელება;
 - ნ) მშობელთა ჩართულობის ხელშეწყობი გეგმის შედგენა-განხორციელება;
 - ო) პიროვნული განვითარება;
 - პ) გარემოსთან ადაპტაციისა და სოციალური ინტეგრაცია;
 - ჟ) წინარე და პროფესიული უნარ-ჩვევების შეძენა-განვითარება;
 - რ) პროფესიულ, საგანმანათლებლო და ინკლუზიურ-პროფესიული განათლების ხვედრითი წილის გაზრდა და ხელშეწყობა;
 - ს) დამოუკიდებელი ცხოვრების უნარ-ჩვევების შენარჩუნების პარალელურად, პიროვნული ჰარმონიზაციისა და ცხოვრების ხარისხის უზრუნველყოფა;
 - ტ) პროგრამის მოსარგებლის განვითარებისა და ადაპტური ფუნქციონირების დონის შეფასება და ინდივიდუალური განვითარების წლიური გეგმის შედგენა, ინდივიდუალური განვითარების წლიური გეგმის კორექტირება;
 - უ) ბავშვის მოტორული, შემეცნებითი, სოციალური განვითარების, თვითმოვლის და დამოუკიდებლად ფუნქციონირების უნარების ჩამოყალიბების ხელშეწყობა. აღნიშნული ღონისძიება მოიცავს მულტიდისციპლინური გუნდის, ერთიანი საჭიროების შემთხვევაში, რამდენიმე სპეციალისტის (ფსიქოლოგი, ფსიქიატრი, ნევროლოგი, ქცევითი თერაპევტი, ოკუპაციური თერაპევტი, მეტყველების თერაპევტი, სპეციალური პედაგოგი და სხვა) მიერ, ინდივიდუალური განვითარების წლიური გეგმის

შესაბამისად, მოსარგებლისათვის სეანსის მიწოდებას, (მ.შ. გამოყენებითი ქვევითი ანალიზის თერაპია, საჭიროებისამებრ, მეტყველების თერაპია, ოკუპაციური თერაპია და სხვა);
ფ) ქვეპროგრამის მოსარგებლის მშობლის/კანონიერი წარმომადგენლის კონსულტირება.

6. პროგრამის მიზანი:

პროგრამის მიზანია მესტიის მუნიციპალიტეტში რეგისტრირებული გონებრივი ან/და ფიზიკური შეფერხების ბავშვთა აბილიტაცია/რეაბილიტაციის ხელშეწყობა, მშობლების ცნობიერების ამაღლება. ასევე ზრდასრულთა დამოუკიდებელი ცხოვრების უნარ-ჩვევების შენარჩუნების პარალელურად, პიროვნული ჰარმონიზაციისა და ცხოვრების ხარისხის უზრუნველყოფა. პროფესიულ, საგანმანათლებლო და ინკლუზიურ-პროფესიული განათლების ხვედრითი წილის გაზრდა და ხელშეწყობა. აღრუული განვითარების პროგრამის მიზანია განვითარების შეფერხების მქონე ბავშვებში მოხდეს დროული ინტერვენცია

7. მოსალოდნელი შედეგი:

- ბენეფიციართა სოციალიზაცია
- ფუნქციური უნარების განვითარება
- ბენეფიციარებისთვის თვითმოვლის უნარ-ჩვევების განვითარება
- ფუნქციური უნარების განვითარება
- დამოუკიდებელი ცხოვრებისთვის საჭირო უნარების განვითარება
- საზოგადოების ცნობიერების ამაღლება
- ფიზიკური და ფსიქო-ემოციური მდგომარეობის გაუმჯობესება
- ფსიქო-ემოციური მხარდაჭერა
- ჯანმრთელობის მდგომარეობის მონიტორინგი
- პირველადი საჭიროებების დაკმაყოფილება (კვება, ჰიგიენა)
- ბავშვის განვითარების ნებისმიერი სფეროს დაყოვნებისა და/ან შესაბამისი რისკის მქონე ბავშვების დროული იდენტიფიცირება და ინტერვენცია

8. პროგრამით მოსარგებლე პირთა შერჩევის წესი

მოსარგებლეთა ჩართვა პროგრამაში პირის/ორგანიზაციის მიერ, მშობლის/მეურვის და/ ან შესაბამისი საგანმანათლებლო დაწესებულების მომართვის საფუძველზე ხდება ბენეფიციარის შესაბამის პროგრამაზე/პროგრამებზე ჩართვა. მხარდაჭერის გარეშე მყოფი ხანდაზმული პირის შერჩევა ხდება მომართვიანობის საფუძველზე. ასევე მესტიის მუნიციპალიტეტის მერიის სოციალური დაცვის სამსახურის მომართვის საფუძველზე.

9. ანგარიშგება

პროგრამის მიმდინარეობისას ხდება შემოწმება და შესრულებული სამუშაოს ინსპექტირება პროგრამის აღსრულების მონიტორინგს ყოველწლიურად ახორციელებს მესტიის მუნიციპალიტეტის მერიაში არსებული შშმ საბჭო. სრულყოფილად წარმოდგენილ შესრულებული სამუშაოს ანგარიშზე ფორმდება (საანგარიშგებო დოკუმენტებზე) პირველადი მიღება-ჩაბარების აქტი. შესრულებული სამუშაოს ანაზღაურება მერიის მხრიდან თანხის ანაზღაურება ხდება ერთიანად ან ეტაპობრივად შესაბამისი დაწესებულებიდან წარმოდგენილი ინვოისის შესაბამისად ერთი თვის ვადაში. ა(ა)იპ „ერთად რეალური ცვლილებებისათვის“ გამგეობის თავმჯდომარე ვალდებულია მესტიის მუნიციპალიტეტის მერს და შშმ საბჭოს პერიოდულად წარუდგინოს „კახა ფალიანის სახელობის სარეაბილიტაციო ცენტრ“-ში ასრულებული

პროგრამების ფინანსური ანგარიში შესრულებული სამუშაოების შესახებ. აქვე, ვალდებულია აცნობოს მიმდინარე ან დაგეგმილი პროგრამებისა და საქმიანობების შესახებ ინფორმაცია.